

甯陵縣志

翻修甯陵縣志序

甯陵吾之桑梓也桑梓義務義不容辭故於民國二十七年五月事變後行政機構解體地方秩序蕩然盜匪蜂起民苦不堪幸有地方士紳出而組織維持會縣公署贊當時避居鄉間事前並未予聞嗣經全縣民衆一致推舉及駐縣皇軍再四敦促囑出而担任縣事受命之下不禁悚然以材疏學淺驟膺重責恐難勝任繼思民衆日在水火之中流離失所何忍坐視遂毅然決然出而担任縣事經悉心籌劃慘澹經營始於民國二十八年元月十五日將縣公署正式組織成立兩年以來上遵政府法令下察民間情況分別緩急規定先後一切縣政次第推行迄今地方平靖民衆亦得安枕矣贊本擬請辭讓賢冀臻郅治無如

層憲期望甚殷一時難以擺脫近復奉 令檢送縣志藉作施政之參考惜吾甯縣志係宣統三年續修迄今已三十餘年歷經變亂存者無多經派員分赴

甯陵縣志

序

一

城鄉明密查詢現僅尋得一部且殘破不全既無法呈送復不敷分呈經商之本署行政科長梁勳亭縣紳呂謙行張翔墀呂凝道等均極贊同翻修並願襄助辦理于是翻修之議遂成付印之初推贊爲序贊本不文僅將此次翻修經過約略述之聊志不忘是爲序

中華民國三十年六月下旬甯陵縣知事孟廣贊謹敘

續修甯陵縣志序

宣統紀元歲次己酉夏五月^南奉檄權甯陵縣篆庶務並親日不暇給孜孜焉因舊時之條教爲新政之推行檢查邑志已閱二百餘年闕殘幾盡重刻僅存加以道咸間河決漫淹疊遭兵燹衙署傾圮遂至諸多廢弛今昔勢異^南於是每晤邑之賢士大夫訪耆老之遺聞求宿儒之實錄耳目所及漸以獲識其崖略至於陵谷滄桑田賦改革祠宇興廢等項率皆數典而忘之又如文武科第鄉里賢良忠臣孝子義夫節婦之代有其人足以風世傳世而湮沒不彰者不知凡幾其何以光志乘而備輜軒之採擇耶越明年庚戌春呂君周高敬直等倡謀續修城鄉紳耆數十人亦毅然樂從迺集七十野紳董公議咸稱急務慷慨捐貲稟知各上憲無不嘉獎亦以見人心之尚義而斯事之樂與觀成也^南不敏方擬竭綿薄之力襄其事以底於成旋以期滿調省始不克終抱歉殊深茲幸諸君子蒐羅博富秉筆詳慎例正體嚴洵堪續舊志而濟美披覽之餘

甯陵縣志

序

二

曷勝欣佩抑更有厚望者甯陵風俗敦龐居民勤儉邑中大儒理學名臣如程可久呂新吾兩先生僉云沙隨夫子其遺風餘韻至今猶令人聞而興起故士多信義重廉恥而守禮法惟地瘠民貧闔境無大宗出產亦無富賈巨商經濟輒困運籌維艱後之蒞期土者察閭閻之情狀攷志書之宦績富之教之所亟宜講求者也眷戀之情曷其有極聊附此以誌之文之工拙在所弗計亦所弗恤是爲序

宣統三年夏同知銜大挑知縣前署縣事湘鄉蕭濟南撰

續修甯陵縣志序

甯陵爲^輝父母之邦邑志所載先世之手澤存焉事蹟紀焉與夫風土人物皆先世之同服習密止居比閭族黨朋友姻婭一爲展卷恍然如遇諸目前桑梓敬恭心嚮往之也久矣吾族世居伊洛明洪武初洛來公遷甯以別子而爲祖越五世鶴樓公教授太邱遂占永籍逮^輝之身又八世矣咸豐辛酉^輝應選詣甯謁祖廟及司寇公祠得與故鄉人士遊由是往來宋汴信宿話舊稔聞先世軼事輒惓惓不忍去顧邑志自康熙癸酉再續以還已閱二百餘年載籍之闕纂修之亟竊嘗總總然計之宣統紀元湘鄉蕭君來尹是邑慨然倡修詢謀僉同庚戌夏五闢館訪輯^輝興言歸來冀襄事而未遑是年冬^輝子過甯已延史君斗南爲之編次而吾族恪符裁其義郁甫總其事並同邑諸君子分校參訂相期於有成^輝聞之而輒然喜又懼夫蒲柳傷秋不獲覩其成書也雖然摭取二百餘年之事泐爲二百餘年之志攷獻徵文良非易易惟博而不繁簡而

甯陵縣志

序

三

能該體例嚴正悉本舊志俾後之閱者知不等於稗野之言則甯邑猶有信史而^輝之心亦庶幾獲慰焉爾

宣統二年歲次庚戌嘉平月四品卿銜候選道前四川奉節縣知縣永城呂永輝撰

續修甯陵縣志序

甯陵志甯陵史也先司寇勅修於明之隆慶紀元

國朝順治己亥初續於李郎中康熙癸酉再續於王邑侯泊乾隆壬申重修郡志略載新訂厥後同治甲子劉縣尊漢臺闢館纂輯時剛逾月以調遷輒止光緒癸巳汪縣尊潤泉取舊志授梓重栞而增續未遑迄今二百餘年之事蹟湮沒無存實爲一邑缺典己酉夏月湘鄉蕭君以孝廉尹吾邑修廢舉遺慨然膺續纂志書之任倡捐貲財延紳董而訪輯僉以操觚屬余顧念余學識本陋又自中年通籍遠遊豫章勞形案牘者越二十年今遂初式賦愈形邁蕪惴惴焉弗克承是懼雖然先司寇矢天誓日以成之初續再續彌昭謹嚴舊志具存體例可仿茲屆續修不過分門挨次就二百餘年中增而志之卷帙簡繁稍爲變通而已至於名宦人物列女是非公之國人不敢泯其所固有不敢飾其所本無相期於繪真誰毀誰譽哉史君斗南留心記載歷寒暑編次有成事不厭

甯陵縣志

序

四

詳辭惟從簡余竊取其義而國是則定於尹君兼取裁於

上憲也是志也上下二百餘年攬摭雖勤見聞難悉遺佚者良不乏然付諸郭公夏五勿傳疑惟傳信信而有徵庶不負李王兩君之初續再續並可告無罪於先司寇之勅修若夫遺稿堪採鋟板可因劉汪二公未始非有造於吾甯而工億費冗越歲告竣同邑諸君子實與有勞焉爰述顛末以俟後之博學能文三長備具纂我邑乘者

宣統三年歲次辛亥閏六月上澣之吉

邑人呂敬直恪符甫謹敘

續修甯陵縣志姓氏

鑒定

三品銜在任候補道歸德府知府

萬本端 江西德化進士

三品銜道員用署理歸德府知府

寶綱 漢軍正白旗人

倡修

同知銜署理甯陵縣知縣

蕭濟南 湖南湘鄉舉人

督修

運同銜署理甯陵縣知縣

王發源 山西徐溝舉人

協修

署甯陵縣學訓導

范德英 光山附貢

編纂

四品銜江西德化縣知縣己丑科進士 呂敬直

甯陵縣志

姓氏

五

候選直隸州州判恩貢

史冠軍

總理

五品銜署濬縣教諭恩貢

呂周高

兵部武選司主事

徐立德

協理

千總銜

李連科

安徽候補直隸州州判副貢

張聖泰

生員

王守慎

生員

宋維藩

鹽課司提舉銜

史立楨

縣丞銜附監生

高精業

生員

楊雲書

世襲雲騎尉

秦合渭

從九品

張振聲

校正

增生

李振緒

參訂

孝廉方正附監生

呂謙行

生員

呂從直

採訪

生員

黃秉鈞

增生

符慶雲

歲貢

沈金鑿

恩貢

李金城

甯陵縣志

姓氏

六

增貢

張雲騰

歲貢

龐家咸

歲貢

呂積勳

拔貢

劉希琪

拔貢

王金鑑

生員

郭紹汾

增生

張純信

廩生

孟憲章

生員

張步宸

生員

吳一齋

生員

劉竹村

生員

王榮甲

甯陵縣志

姓氏

七

生員

王譽卿

增生

王廣鑑

生員

焦明倫

生員

于明義

生員

高增業

生員

徐體恭

生員

李其浚

增生

孟廣知

廩貢

路詒文

郡庠生員

張甫昌

生員

呂洵高

生員

王汝明

增生

桑乃文

廩生

龐天賓

翻修甯陵縣志凡例

- 一 此次翻修舊志所載仍照舊翻印
- 二 民國以來關於交通學校人物等略有增續之
- 三 卷之二地理志後增續甯陵縣交通概況圖
- 四 卷之三建置志後增續甯陵縣公署之沿革
- 五 卷之五學校志後增續學校設立沿革
- 六 自廢科考改建學校故於卷之八選舉志後甲科項下增續學校畢業之人物
- 七 卷之六職官志知縣下增續民國以來之縣長區長

縣知事孟廣贄謹識

續修甯陵縣志凡例

- 一 舊志卷九人物志載貞孝節烈今改爲列女志分立卷十祀祠志改卷十一
- 二 雜志改卷終餘悉仍舊共十四卷
- 一 茲屆續修除圖攷天文仍舊外謹遵原定科門各依類注砦堡附建置團練保舉附選舉亦祇比類而從不敢濫開科門
- 一 重修府志自康熙三十二年至乾隆十七年載明新訂甯陵志者謹依原文敘入仍注見府志
- 一 建置志公署倉庫俱燬於寇街巷坊第半卽於湮他如地理志之河防學校志之碑類祀祠志之廟祠寺閣雜志之養濟院亦多失其舊而改其觀祇據現今形勢注明遷徙存廢重修增建
- 一 田賦舊志纂詳載府志之新訂又甚簡明今據石縣尊攷正報司注明總款

甯陵縣志

凡例

九

- 一 職官乾隆十七年以前攷府志新訂咸豐元年以後查文卷留存俱可挨次注明其間百年博訪廣搜僅得二十餘人然究不敢傳疑
- 一 名宦人物正志僅卓越數人若咸豐年殉捻匪之難者旁見附見皆據事直書不沒人善閱者當自辨之其孝子義行原無科門亦因旁附而見
- 一 選舉志例貢監改自例貢以上監生不志
- 一 舊志節婦止錄蓋棺人今以旌表爲斷比舊志三屆數增二十倍然必確有攷據方爲紀其事實否則已故現存概從表揚姓氏之例不敢有溢詞
- 一 藝文志僅錄前人數則及文脩書院碑記近今雖有著述不敢濫登以待後人之增修論定可也

邑人呂敬直又識

明甯陵縣舊志序

熊秉元 邑令

嘉靖甲子余自刑部出知甯陵觀風俗稽遺典舉廢墜則知甯陵者事也比至詢百餘年來故實雖父老不能對但曰先民未嘗有以某事告某者若爲兒時所見聞則能一一爲公言余聞之憮然曰欲知往何所據欲示後何所藉昔人駐樂山原流連光景尚有紀述其傳至數十世或百世甯非邦也與奚而不志己乃購遺書野史得邑人徐琦者紀改物以來百餘事琦成化中人也後數十年則石楊二令命邑諸生修補之緣舊爲新灼有可考矣然視今才三之一且錄而不議觀者無以覈利弊甄可否懼非完帙不可以傳司訓陳君應龍實注意焉蓋兩歷寒暑爲書十餘萬言其詞麗其事文其旁摭彙輯不遺么細陳君之用心良近厚矣雖然千金之子不知擔夫之藏茲甯陵志志甯陵事也一邦之人有眞知有公論余客茲土者不與聞何廁焉迺詣學宮聘多士所僉舉者易其稿示公也僉曰

甯陵縣志

舊序

十

閱詞邃學莫如徐君繡請以董其事三先生副之精檢閱老世故非李生文蘭王生養浩徐生澤黃生卷不可旣入館諸君子讓筆筆無所屬邑有讜士曰李君坤者余聞之以問僉曰此君無媿阿態輿論以之乃強李君李君曰明公不肖予委以是非之任唯是摛詞據志則予小子有罪其褒貶予奪鬼神實司之邑之大夫士若庶人共之則我莫敢與旣踰月就稿以使者來示余讀之輒然生喜又惴惴焉敬且畏曰其嚴乎他日造李君請曰公千萬言無一字長語非小小裨益世教者直欲爲吳競如人何敢訛吾子之筆李君曰國是也請以示邑諸生邑諸生曰李君言予之所言也以示通國通國曰李君言予之所言也士民卒矻矻不易辭余嘆曰是志也史也夫史信則可傳嚴則可訓傳且訓則可以維道正俗甯陵文獻其在茲與君子觀甯陵志而知其不盡於志矣

明甯陵舊志跋

李坤

亘古今惟真是真非不可磨滅僞則難久孔子曰文勝質則史蓋傷史氏之失其真也故自不闕文以來文直事核不溢美隱惡者幾人嘻亦難矣哉夫史載事之書也載事如繪象深目邛鼻不失故態若醜鍾離春而西施之則非無鹽人矣甯陵志甯史也甯之邑鄰甯者之所知也其人其風物其山川形勝其古今封域沿革盛衰美惡不可飾也飾則僞爾其誰信不信則不可以徵且傳又並其可徵可傳者疑之其誰辨此史氏之所以愼也丙寅冬熊司寇可山公恥是邑之無聞也歎曰茲非春秋所謂沙隨大棘也與今不志百世後不知有所謂甯陵者卽無問久遠人迺今百年前事生甯陵者能自知耶明日關館延學士大夫志之僕濫與焉且曰李子方壯年當先是役遂以操筆之任來命固辭不許讓於三博士及宿儒諸君子不許乃相與戒曰茲重典也榮辱人莫大於是非是非榮辱人莫

甯陵縣志

舊跋

十一

大於遠且久惟茲典信天下後世惟茲典貴真無藉是非之權以市恩怨無苟進退人無愜是無慄慄畏人言以詘公義旣矢志於南川王祠幾兩月而告就蓋探幽蹟撥散逸閱昔典摭新聞黜所有進所無裁冗補廢諸君子實夙夜勞而熊公定國是僕無似竊取義焉嗟夫昔人纂述動以一歲或三二歲計茲志也簡率甚矣且僕識謏陋而學蕪質下而不工於文姑爲後君子作朴耳直是事實據之古今聞見褒貶公之國人尙無媿於所謂眞者與至於關一邑利害則多躁遽之言論治教風俗人物賢否得失則傷渾厚之體盛德雅量人必將斥且笑之僕非不夙夜是愼第所謂呼痛號饑各鳴其情耳采風者苟辱一省焉則是邑也或稍賴其萬一助若夫原我罪我以爲眞以爲僞則非僕所敢知亦非僕所敢恤也

甯陵縣舊志序

李國瑜邑令

中州號文獻名邦而甯陵隸屬歸郡見之一統志云有忠義之風仁厚之俗者非歟戊戌冬適缺土吏余代爲庖甫授政會

撫軍大人徵志各屬因明季兵燹蕩佚無存者十九慨下纂修之檄於各郡邑日志之所載雖不越百里雷封而實備國史之所未盡纂之詎容緩

乎余捧檄歎曰古大臣勤懇於遠大之務者類如此夫郡邑之志信猶國

之史也史得其略此具其詳史之傳也以直以信而志之載也以矯以僞

其可乎是以其權洵大而述之者洵難其人也按甯舊無志修於明隆慶

改元時董之者邑令江右熊君秉元執筆者邑前司寇呂新吾先生也先

生經濟既淵學術復富錯綜以成經緯謹嚴以勒體裁可以爲法可以爲

戒者斷序參列其義共見嗟乎觀止矣無以復加矣余是特設纂局謀於

邑衆採訥近今之事敬求執筆之人咸推原岳陽太守李君若星者好惡

甯陵縣志

舊序

十一

無阿匪彼不克李君遜謝者再余敦乞者三方受簡登壇兢兢從事焉遵

依舊本裁輯近事事必究其穴巢而附入義例義必極其波源而嚴加覈

參稍涉疑昧翳如夏五郭公而已繼司寇之絕筆者其李君乎是序也李

君已跋之詳矣余復何言哉雖然覩河洛者必思大禹之功瞻桑梓者自

起敬恭之念且余承乏是邑仰思主裁者正在

撫軍大人而遺愛可想纂輯者正在義紳李君而文獻足徵噫叨宰文獻

之邦重新經世之典亦一時嘉會况此志之出而凡經目披覽者咸知述

作懲勸之意皎然如在光天化日之下而其大經大法所以扶人倫遏人

欲亦煥然昭灼矣後世之心目未有不由茲而加顯也

撫軍大人與李君者正足繫人思耳余小子何能焉特弁數言殊未文也

甯陵縣舊志序

李若星

甯昔無志也志始於明隆慶改元乃呂司寇爲孝廉時註實邑侯江右熊公董其成又學博陳君兩歷寒暑編彙成帙以售者甯雖小邑居然文獻三公之大有造於甯可考而知矣洋洋數萬言其詞典麗其旨簡遠語寓箴規心切民瘼誠一代之信史百世之章程一字無容擬議但年遠則人事有變遷事久則斷續鮮考稽且當我

皇朝定鼎庶物維新雖率由舊章不事紛更而

一王令甲應示昭垂恭遇

撫軍御史中丞賈公祖以佐命元臣旬宣兩河見中原係天下腹心重地幅幘曠衍人物萃聚卽古所稱物華天寶甲於諸夏者詎過是耶因思累代相沿奇人異蹟湮沒不傳違違有之矧開闢以來膚功懋著人文蔚起可漫無紀載乎隨下令郡縣各輯志以獻用勒不朽甯實蕞爾值南北孔

甯陵縣志

舊序

十二

道梁宋咽喉且聞人鉅卿代不乏人采文獻者必及之

憲檄一至余喟然歎曰天下文章莫大於是甚盛舉也視邑篆李君仰承上命諏曰集衆狗鄉黨尙齒之例屬筆於余余固陋殊甚惴惴滋懼竊思志吾邑事也事吾邑志也彼此遜謝究將誰委欲逃推諉之罪輒冒攘臂之嫌知我罪我不遑恤耳遂取呂司寇定本閱之是集也乃司寇當年矢天誓日而成讀之恍有天地鬼神以臨毫不敢萌作好作惡心然亦無容作好作惡爲者何也制度有定軌但較今昔之異同是非有公論惟核蹤跡之眞贗敘事甯簡毋繁立言甯質毋文善善不必長甯嚴毋濫至於考故實覈典章甯闕疑毋傳疑不能掩其所已有不敢飾其所本無於以嗣續司寇矢天誓日之書其庶幾乎否則議論有參差當取平於 令君或令君有依違再請裁於

撫軍斷不可詭隨巷議曲阿時好貽典冊羞逮稿成進之撫軍使披覽之

餘輒然喜曰可以傳矣則甯陵一志卽謂中原之文章莫大於是也亶然

甯陵縣志

舊序

十四

跋甯陵縣志

李若星

夫邑乘國之大典三代之直道係焉點瑕竊譽怨尤所集斧鑕臨之予小子曷克承執筆之役緬維司寇才德兼備天日爲懷家食三十年卽創訂舊稿曾未片言相及誠夏夏乎難之也予嘗讀修城書天日語二刻因知一時之人情難贖百世之公論自明猶幸有司寇舊本奉爲模楷足以塞羣議而示來茲矣卽此舊本譚何容易想予當國破家亡時踉蹌走京邸偶於燕市敗書肆中剝落塵積見有甯陵縣三字恍遇骨肉故人錯愕良久取而觀之乃甯陵縣志也贖攜歸寓每一展玩如對桑梓謁選晉陽令劍負之任藏於密笥踰年我

清定鼎奉

詔回京秩遷冬曹承乏江淮濫竽天岳日試身於鋒刃怒濤之場長物都捐七尺猶在惟伴此殘卷生死與共是集也自燕而晉而三吳而荆楚往復數年跋涉萬里雖身遊異國而如傍故鄉矣詎意纂修令下搜羅遺編兵燹之餘片楮蔑有予小子獨出諸懷袖以獻噫誰謂墨楮無靈司寇不至今存耶矧命以真傳繼司寇之絕筆乎予小子何幸遭逢故記不厭詳云

甯陵縣志

舊跋

十五

凡例九則

李若星

- 一 志邑史也公善惡核真偽史之體也輿論所協作者不敢拂焉其或作好惡枉是非韓昌黎所謂天刑人禍者其斯人與
- 一 增所無諱所有以炫鄰國此童心耳茲志也考故實詳因革如圖本像然不敢一毫加損
- 一 人物真於百年之後何者耳目所及者衆矣志曰某善衆亦曰某善志曰某惡衆亦曰某惡愈久愈真則點瑕名竊芳譽者其誰辯之茲志也進退惟嚴蓋不使後之君子妄有所真云
- 一 節婦孝子止錄蓋棺人所以嚴鮮終之戒
- 一 紀事似繁皆有關係其可以志可以不志者不志焉
- 一 故典昔有而今無者若關大體則存其名而書其廢其廢之不必舉者則併去其名

甯陵縣志

舊志凡例

十六

- 一 職官之賢而事無可指者概其爲人特書於名譜之下其公論難容者名下不忍直書姑從漫無可否之例然論事所及亦不敢諱俾後之觀邑史者或以是爲殷鑒云
- 一 藝文不計美惡或以人重則錄或以事重則錄或樂道人之善著爲節義文章者則錄或其來也遠則錄
- 一 書法竊取春秋綱目之微意然不敢顯擬觀者當自得之

重修甯陵縣志序

王圖甯 邑令

紀載之書有志有史其體殊其致一也史之長莫長於遷遷之長莫長於潔夫潔不在詞而在意不在意而在夫人性情之間也性情卑鄙斯意雜意雜斯詞穢善乎先民之論文有曰行乎其所不得行止乎其所不得不止則穢與雜之病皆去之矣得是道以論志志乃稱善雖然豈易言哉甯陵舊有志己庚午秋

大中丞閻公檄令纂修或者繕舊志以進而

公駁之曰闕者未增譌者未易蓋欲增所宜增易所宜易如寫生然肖其本像而止不加毫末於其間也是非挾太史之識而力祛乎繁雜污穢之病有如斯耶是臘 圖甯 承乏茲邑適蒙重加釐定之

諭 甯 雖濫叨一榜謬側屬員其於文章性情之道愧未深究屬以紀載又烏在其有當哉迺於此則有說焉

甯陵縣志

舊序

十七

大中丞以科名起家當

聖天子在上知人善任來撫中州本中和之性情發於政刑禮樂之大或張弛以福物或刪定以成書而以其餘緒著爲文詞靡不典則煒煌吏其下者若土金之在陶鑄有所正矣 甯 固不敏敢弗敬承

憲命參稽舊冊芟其憤懣之言正其凌亂之次以俟大中丞之論定歟是爲序

凡例八則

- 一原志用心非不懇摯但事有隨時因革者如舊志有云汴東壤地復有褊小於甯陵者乎當衝要之途攝商睢之交財力多寡不啻十倍而送迎供億不減分毫以此較彼良苦甚矣且緊急支借每同例徵又有云雖境接大河幸遠漂沒而每代鄰封幫役歲以爲常按此則昔之爲民累者固不一而足而今則無之以是甯地每畝價值往不過一二三錢不等近且一二三兩有差矣故不得據原志以爲定本咸芟而訂之毋致後有不肖或藉口於往例云爾
- 一原志職官內有標官一員而下註未設建置內有標目武備而後註未備既未設未備矣夫何必志又雜誌內有懲奸貪一則乃小民爭訟之事耳邑志何能及此今概從刪
- 一姓氏村集截行分註便觀覽也

甯陵縣志

舊志凡例

十八

- 一卷帙俱仍原志止圖考另分卷首其各卷中有標列不倫者悉從類改入
 - 一人物事實順治十六年以前概從原志十六年以後不敢濫登間有一二必求確有實據刻非所以爲訓也而飾曰善善宜長不幾成過情之譽哉
 - 一田賦止宜遵
- 時制開載如謂舊例不可廢沒則自漢迄今志不勝書矣故茲志直取全書編入其徵收解支款目欲使士民周知共相遵守而司錢穀之出入者雖有奸猾無所藪其弊耳
- 一鄉賢舊志存人物中今摘出姓名附名宦後蓋人物中翹楚祀於文廟宜特標而出之若其行實仍編入人物志內雖曰翹楚猶是鄉之人物也
 - 一各志例有弁言以引其端必於所志之事有相發明而或失則支或失則

蔓與夫藉志書以遂其好惡之私鳴其抑鬱之致均非體也茲志敘論固卑鄙不足觀然於諸弊則不敢微有所干云

甯陵令金谿王圖甯謹識

甯陵縣志

舊志凡例

十九

重刻甯陵縣舊志序

汪鈞澤 邑令

甯邑故有志也咸同間遭兵燹而志逸辛卯夏 鈞澤 宰是邑蒐羅殆徧始獲舊志然已半侵蠹蝕而不逸者仍逸今夫邑之有志凡風俗之正變典章之沿革與夫興廢之利弊須於是乎載固爲治之本源也此之不存將何以徵前鑒由舊章乎癸巳春援據舊志闕者補之譌者正之閱三月始復其舊一守平原書之凡例不敢增易於其間所以存舊典也而或者曰舊志修於康熙三十一年後此無踵而續之者今刊其原書而近二百年之事實闕焉無聞是猶有遺憾也予曰唯唯夫事之或創或因必視乎時與地今將開坊設局則費用不貲以甯邑之貧瘠未易致也且越時既久傳聞異詞考獻徵文動羈歲月而茲編之殘缺若是若遲之有待吾慮其久而益湮也爰付手民以存其舊庶後有博雅之君子得據此而增續之則是書以餽羊碩果之類也若夫創述之體例紀載之詳略均詳於舊序

甯陵縣志

序

二十

不復贅焉是役也襄其事者爲司教張君

翰英

司訓張君

培芸

其原書經

秦世職

合渭

於大化莊化弁

雲祥

處得一函復於高茂才

慧業

處得一函

蓋合兩書參考而成者也

甯陵縣志目錄

卷首

圖考 星野 城池 四境 縣治 文廟 儒學 沙隨祠 旌忠廟 七鄉地 城隍廟

卷之一

天文志

卷之二

地理志 沿革 封建 疆域 城門池橋 隄防 教場 集鎮 形勝 古蹟 河防 風俗 土產

卷之三

建置志 公署 倉庫 街巷 坊第 砦堡

卷之四

田賦志 丁地 徵解 支給 鹺政 稅款

卷之五

甯陵縣志

目錄

學校志 文廟 儒學 碑類 學田 義學 書院

卷之六

職官志 知縣 縣丞 主簿 典史 驛丞 教諭 訓導

卷之七

名宦志 知縣 儒學 主簿 典史 武臣 鄉賢姓名

卷之八

選舉志 鄉科 甲科 貢生 武科 例貢監 吏員 徵辟 恩蔭 封贈 團練保舉

卷之九

人物志 名賢 武勇 義烈 隱逸 義師

卷之十

列女志 貞女 孝女 孝婦 賢母 節婦 烈婦

卷之十一

藝文志

碑銘 記 議 書 文 傳 詩 誄 辭

卷之十二

祀祠志

祀典 祠廟 寺觀

卷終

雜志


養濟院 義塚 藥局 災祥 兵革 陵墓

甯陵縣志

目錄


二

房宿從官分甯陵之野



圖







甯陵縣志

圖


二



甯陵縣志





圖




甯陵縣志

圖

四



程沙隨祠




甯陵縣志


圖

五

儒學圖



城隍廟圖



甯陵縣志

圖

七

